



Sigur cu tin un acuerdo

Berdad falta pa firma, pero mester di aprobacion di Parlamento prome

Segun Prome Minister Mike Eman

AYERA ta manera a cuminsa un campaña, cu ta bisa cu como cu no tin ningun documento firma, no tin ningun deal cu CITGO. T'asina cu ayera Gobierno a recibi loke t'e ultimo draft di e contrato, manera e ta bay ta den otro. Esey ta bon noticia, pasobra den leter grandi y chiquito tur cos ta coordina, tabata reaccion di Prome Minister Mike Eman. Ta cuestion di stipula un fecha pa firma, p'e proceso na Aruba tambe por cuminsa.

Segun Prome Minister Mike Eman, lo firma cu un clausula cu ta bisa, cu tur cos ta subhetivo na aprobacion di Parlamento. Pasobra tin hopi tema cu ta di e embergadura, los di ley, pero cu ta exigi pa tin un participacion di Parlamento den esaki. Tambe tin aspectonan legal cu Parlamento tambe mester duna su aprobacion.

Segun Prome Minister Mike Eman, tur esaki ta canando cu un rapidez positive. Pero como e fecha di cuminsa operacion ta 1 di augustus, loke nifica cu Gobierno tin hopi trabao pa haci ainda prome cu e fecha ey. Yegada di CITGO nifica cu Gobierno lo bay genera mas placa den caha, pero esey no nifica cu Gobierno tin cu (mal)gasta mas placa sin control financiero. Loke cu Gobierno ta bay haya, ta reparti den impuesto directo cu lo haya pa aña cu ta un 10 miyon dolar pa aña. E refineria tin cu paga na huur e facilidad cu ta 8 miyon dolar pa aña, pero e impacto mas grandi te cantidad di empleado cu lo tuma den servicio. Nan lo tin cu paga nan Loonbelasting, nan AOV, paga nan BAZV, pago na AZV, treciendo asina bek un actividad economico grandi den nos pais.

Asina Gobierno aki lo alcanza tur su metanan fiscal riba finanza publico, pero tambe e metanan di Gobierno pa sigui diversifica economia di Aruba, lo haya un impulso adicional cu re-apertura di e refineria, segun Prome Minister Mike Eman. Esnan cu ta kere cu lo mira huma sali dia 1 di augustus awor ta equiboca, pasobra un di e condicionnan ta cu e refineria aki lo opera riba gas. Asina tin un proyecto grandi caminda bo ta capta e mision di carbon y pone esaki den un cultivo di Algen. E trabounan pa tira un liña di gas ta bay cuminsa simultaneamente cu e preparacion di refineria pa wordo active. E lo bira e refineria mas green na mundo, segun Prome Minister Mike Eman, lo bira uno excepcional.